

REGLUGERÐ

**um vörubifreiðar og sendibifreiðar, sem notaðar eru til leiguaksturs
og takmarkanir á fjölda þeirra.**

I. KAFLI

Almenn ákvæði.

1. gr.

Gildissvið.

Reglugerð þessi er sett samkvæmt lögum nr. 77/1989 um leigubifreiðar og gildir um vörubifreiðar og sendibifreiðar, sem notaðar eru til leiguaksturs.

Leiguakstur vörubifreiða og sendibifreiða telst það þegar slík bifreið er seld á leigu ásamt ökumanni til flutnings á vörum fyrir tiltekið gjald, þar sem ökumaður eða eigandi bifreiðarinnar er hvorki eigandi, seljandi né kaupandi vörunnar sem flutt er. Þegar nauðsyn krefur er heimilt að flytja í vörubifreið eða sendibifreið umsjónarmenn þeirrar vöru sem flutt er.

2. gr.

Auðkenni.

Allar vörubifreiðar og sendibifreiðar, sem notaðar eru til leiguaksturs og aka frá bifreiðastöð, skulu greinilega auðkenndar með merki stöðvarinnar.

3. gr.

Gjaldmælar.

Ákvæði um gjaldmæla í reglugerð um fólksbifreiðar, sem notaðar eru til leiguaksturs gilda einnig um sendibifreiðar.

II. KAFLI

Takmarkanir á fjölda bifreiða.

4. gr.

Við takmörkun á fjölda vörubifreiða og sendibifreiða til leiguaksturs skal miða við tilgreinda hámarkstölu fyrir hvert félagssvæði. Samgönguráðuneytið ákveður þessa hámarkstölu.

Þegar hámarkstala er tekið upp eða lækkuð er óheimilt að skerða atvinnuréttindi þeirra manna, sem á lögmætan hátt stunda leiguakstur og eru fullgildir félagar í hlutaðeigandi stéttarfélagi.

Hámarkstölu má endurskoða á tveggja ára fresti. Áður en hámarkstölu er breytt skal ráðuneytið leita umsagnar stéttarfélags, bæjarstjórna og héraðsnefnda, sem í hlut eiga.

5. gr.

Verði vörubifreiðar og sendibifreiðar færri en sem nemur hámarkstölu skal þeim fjölgað í þá tölu aftur. Innan þriggja mánaða frá því fækkun á sér stað skal stéttarfélagið, sem í hlut á, auglýsa eftir nýjum umsóknum um félagsréttindi til þess að fylla töluna á ný.

Gildar umsóknir skulu teknar til greina aðallega eftir biðtímalengd, en án tillits til þess hvar á félagssvæðinu umsækjendur eru búsettir.

6. gr.

Stéttarfélag, sem nýtur takmörkunar, skal hafa umsjón með því að jafnan séu til staðar í eigu félagsmanna og í rekstri nægar gjaldgengar bifreiðar í samræmi við hámarkstöluna. Ennfremur skal stéttarfélagið fylgjast með því að félagsmenn þess fari eftir lögum og reglugerðum um leigubifreiðar.

7. gr.

Vörubifreiðar.

Takmarkanir á fjölda vörubifreiða gilda á eftirtöldum svæðum:

1. Á félagssvæði Vörubílstjórafélagsins Próttar, sem er Reykjavík, Kópavogur, Seltjarnarnes, Mosfellsbær, Kjalarnes- og Kjósarhreppur. Hámarkstala er 150 vörubifreiðar.
2. Á félagssvæði Vörubílstjórafélagsins Þjóts, sem er Borgarfjarðarsýsla og Akranes. Hámarkstala er 15 vörubifreiðar.
3. Á félagssvæði Vörubílstjórafélags Mýrasýslu, sem er Mýrasýsla. Hámarkstala er 12 vörubifreiðar.
4. Á félagssvæði Vörubílstjórafélagsins Öxuls, sem er Snæfellsnes- og Hnappadalssýsla og Ólafsvík. Hámarkstala er 27 vörubifreiðar.
5. Á félagssvæði Vörubílstjórafélagsins Fáks, sem er Austur - og Vestur - Barðastrandasýsla. Hámarkstala er 17 vörubifreiðar.
6. Á félagssvæði Vörubílstjórafélags Ísfirðinga, sem er Norður - Ísafjarðarsýsla, Ísafjörður og Bolungarvík. Hámarkstala er 20 vörubifreiðar.
7. Á félagssvæði Vörubílfreiðastjórafélags Strandasýslu, sem er Strandasýsla og Staðarhreppur í Vestur - Húnavatnssýslu. Hámarkstala er 15 vörubifreiðar.
8. Á félagssvæði Vörubílstjórafélags Vestur - Húnavatnssýslu, sem er Vestur - Húnavatnssýsla að Staðarhreppi undanskildum. Hámarkstala er 10 vörubifreiðar.
9. Á félagssvæði Vörubílstjórafélagsins Neista, sem er Austur - Húnavatnssýsla og Blönduós. Hámarkstala er 23 vörubifreiðar.
10. Á félagssvæði Vörubílstjórafélags Skagafjarðar, sem er Skagafjarðarsýsla og Sauðárkrókur. Hámarkstala er 25 vörubifreiðar.
11. Á félagssvæði Vörubílstjórafélagsins Múla, sem er Dalvík, Ólafsfjörður, Svarfaðardals- og Árskógshreppur. Hámarkstala er 15 vörubifreiðar.
12. Á félagssvæði Vörubílstjórafélagsins Vals, sem er Akureyri og Öngulstaða-, Saurbæjar-, Hrafnagils-, Glæsibæjar-, Öxnadals-, Skriðu- og Arnarneshreppur allir í Eyjafjarðarsýslu. Hámarkstala er 35 vörubifreiðar.
13. Á félagssvæði Vörubílstjórafélags Suður - Þingeyjarsýslu, sem er Suður - Þingeyjarsýsla. Hámarkstala er 20 vörubifreiðar.
14. Á félagssvæði Vörubílfreiðastjórafélagsins Drífanda, sem er Keldunes- Öxarfjarðar-, Presthóla-, Raufarhafnar- og Fjallahreppur, allir í Norður - Þingeyjarsýslu. Hámarkstala er 15 vörubifreiðar.
15. Á félagssvæði Vörubílstjórafélags Norðmýlinga, sem er Skeggjastaða- og Vopnafjarðarhreppur í Norður - Múlasýslu. Hámarkstala er 12 vörubifreiðar.
16. Á félagssvæði Vörubílstjórafélags Eskifjarðar, sem er Eskifjörður Hámarkstala er 9 vörubifreiðar.
17. Á félagssvæði Vörubílstjórafélags Fljótsdalshéraðs og Reyðarfjarðar, sem er Jökuldals-, Hlíðar-, Fljótsdals-, Fella-, Tungu- og Hjaltastaðarhreppur, allir í Norður-Múlasýslu og Egilsstaðir, Eiða-, Valla-, Skriðdals- og Reyðarfjarðarhreppur, allir í Suður-Múlasýslu. Hámarkstala er 50 vörubifreiðar.

18. Á félagssvæði Vörubílstjórafélags Norðfjarðar, sem er Neskaupstaður og Norðfjarðarhreppur. Hámarkstala er 8 vörubifreiðar.
19. Á félagssvæði Vörubílstjórafélagsins Vémundur, sem er Berunes-, Búða-, Fáskrúðsfjarðar-, Breiðdals- og Stöðvarhreppur, allir í Suður - Múlasýslu. Hámarkstala er 15 vörubifreiðar.
20. Á félagssvæði Vörubílstjórafélagsins Neista, sem er Vestur - Skaftafellssýsla. Hámarkstala er 8 vörubifreiðar.
21. Á félagssvæði Sjálfseignarvörubifreiðastjórafélagsins Ekils, sem er Vestmannaeyjar. Hámarkstala er 15 vörubifreiðar.
22. Á félagssvæði Vörubílstjórafélagsins Fylkis, sem er Rangárvallasýsla. Hámarkstala er 27 vörubifreiðar.
23. Á félagssvæði Vörubílstjórafélagsins Mjölnis, sem er Árnessýsla og Selfoss. Hámarkstala er 40 vörubifreiðar.
24. Á félagssvæði Vörubílstjórafélags Suðurnesja, sem er Keflavík, Njarðvík, Vatnsleysustrandar-, Gerða-, Miðnes- og Hafnahreppur. Hámarkstala er 30 vörubifreiðar.
25. Á félagssvæði Félags vörubílaeigenda, sem er Hafnarfjörður, Garðabær og Bessastaðahreppur. Hámarkstala er 28 vörubifreiðar.

8. gr.

Sendibifreiðar.

Takmarkanir á fjölda sendibifreiða gilda á eftirtöldum svæðum:

1. Á félagssvæði Bílstjórafélags Akureyrar, sem er Akureyri. Hámarkstala er 8 sendibifreiðar.
2. Á félagssvæði Jaka, sem er Vestmannaeyjar. Hámarkstala er 4 sendibifreiðar.

9. gr.

Brot gegn reglugerð þessari varða sektum samkvæmt 13. gr. laga nr. 77/1989 um leigubifreiðar.

10. gr.

Reglugerð þessi, sem öðlast gildi 1. júlí 1989, staðfestist hér með til eftirbreytni öllum þeim sem hlut eiga að máli. Jafnframt falla úr gildi eftirtaldar reglugerðir, sem gilt hafa um hámarksfjölda vörubifreiða og sendibifreiða á einstökum félagssvæðum; nr. 244/1970 og 38/1984 (Reykjavík), nr. 334/1973 og 191/1983 (Borgarfjarðarsýsla), nr. 153/1983 (Mýrasýsla), nr. 34/1971 (Snæfellsnes- og Hnappadalssýsla), nr. 500/1975 (Austur- og Vestur-Barðastrandasýsla), nr. 228/1969 (V-Ísafjarðarsýsla), nr. 237/1978 (N-Ísafjarðarsýsla), nr. 254/1979 og 28/1985 (Strandasýsla), nr. 212/1973 (V-Húnavatnssýsla), nr. 181/1971 og 304/1975 (A-Húnavatnssýsla), nr. 20/1960 (Siglufjörður), nr. 404/1975 (Skagafjarðarsýsla), nr. 196/1974 (Dalvík o.fl.), nr. 273/1974 og 290/1984 (Akureyri o.fl.), nr. 79/1982 og 461/1984 (Suður-Pingeyjarsýsla), nr. 85/1961 (Húsavík), nr. 9/1975 (Norður-Pingeyjarsýsla), nr. 625/1983 (Norður-Múlasýsla), nr. 274/1974 og 452/1986 (Norðfjörður), nr. 343/1985 (Eskifjörður), nr. 10/1975 (Reyðarfjörður), nr. 91/1987 (Vestmannaeyjar), nr. 65/1977 og 448/1979 (Vestur-Skaftafellssýsla), nr. 232/1982 (Rangárvallarsýsla), nr. 85/1987 (Árnessýsla), nr. 15/1975 (Suðurnes), nr. 242/1971 (Hafnarfjörður) nr. 486/1979 og 141/1984 (Akureyri), nr. 338/1985 (Vestmannaeyjar).

Samgönguráðuneytið, 19. júní 1989.

Steingrímur J. Sigfússon.

Helgi Jóhannesson.